

14°. Եթէ ոք 'ի Խորհրդականաց ընդդէմ օգտի Սուրբ Աթոռոյն և հակառակ կամաց ազգին զերկալառակութիւնս և ատեւութիւնս կամիցի արկանել 'ի մէջ Խորհրդական եղբարց , և կողմնապահութեամբ իմն միայն զօգուան անձին իւրոյ և իւրայնոցն ջանասցի յառաջացուցանել , զայնպիսին (ըստ Աւետարանական բանին) յետ երկիցս և երկցս սիրով խրատելոյ եղբարց , 'ի չգալն յուղղութիւն , անպատճառ բարեմիտ միւս Խորհրդականքն հանեալ 'ի պաշտօնէն , և զարժանաւորն կարգեալ 'ի տեղի նորա , ծանուցեն աստ մեզ :

15°. Յաղագս Աթոռոյն հարկաւոր գործոց Մասնահախ մի ոք 'ի Խորհրդականաց առանձին գրեսցէ 'ի Պօլիս առ մեզ հասարակ , կամ առ մի ոք 'ի մէնջ , կամ առ բարեկամս և ծանօթս և ազգականս իւր , այլ միակամ խորհրդով եօթանեքին կնքով իւրեանց և ստորագրութեամբ զմի միայն գիր գրեսցեն , եւ զպատասխանին 'ի մէնջ առցեն մերս գրով և կնքով 'ի ձեռն տեղւոյս Վէքիլին Ս . Աթոռոյդ , ապա թէ ոչ՝ անընդունակ լիցի և դատեսցի :

16°. Ըստ սովորութեան նախնեաց՝ Պատրիարքն միակամութեամբ Խորհրդականաց ժողով արասցէ 'ի տարին երկիցս յատեան Ս . Եկեղեցւոյն , ուր ըստ աստիճանաց իւրաքանչիւր դասուց միաբանութեան սիրով և ահացուցիչ բանիւք խրատ եւ պատուէր տացէ , լինել համետս , պարկեշտս , ուսումնասէրս , պաշտօնասէրս , կարգապաշտըս , սպասաւորս սրբութեանց տեղեաց ըստ կարգի եւ աստիճանի , և մի՛ լինել ծոյլ , պղերգ , գինեմոլ , կռուարար ընդ եղբարս և ընդ ուխտաւորս , և ընդ այլ ազգս (և եթէ 'ի նոցանէ գրգիցի ինչ խուժութիւն կռուառիթ , ցուցցեն և ծանուցեն խկոյն Խորհրդարանին) . մի լինել պճնասէր , անդայել հանդերձիւք մի չըջիլ 'ի սենեակս ուխտաւորաց եւ 'ի տունս Քաղաքացւոց , մի անուղղայ գնացիւք իւրեանց և անպատեհ խօսիւք գայթակղեցուցանել զպարզամիտս , մի գրել առ իւրեանցսն և առ այլս զայն , որ չէ անկ ինքեանց և այլն : Այլ սիրով և յօժարութեամբ հնազանդիլ Ս . Աթոռոյն և աթոռական Վերակացուաց , այսինքն Ս . Պատրիարքին եւ անձնադիր Խորհրդականաց , զօհութեամբ ընթրել յառաւօտ և յերեկոյ 'ի սեղանատան միաբանու-